

## SARMOYALAR KICHIK BIZNES RIVOJIGA

Bizning yurtimizda tinchlik, bunyodkorlik, elimiz ravnaqi yo'lida mehnat qilayotgan xalqimiz farovonligini yanada oshirishda boshqa sohalar kabi banklarning ham alohida o'rni bor. Bu borada Farg'ona viloyatida ham katta hajmdagi bunyodkorlik ishlari amalga oshirilmoqda. Yurtimiz butun dunyo hamjamiyatining diqqat e'tiborida turgan bir paytda bizda ham katta ishlab chiqarish salohiyatiga ega bo'lgan korxonalar barpo etilib, ular keng miqyosda faoliyat yuritmoqda. Dunyo nufuziga ega bo'lgan korxonalarining ish faoliyatini moliyaviy jihatdan qo'llab-quvvatlash, pul to'lovlarining tezkorligini ta'minlash «Asaka» aksiyadorlik tijorat banki Farg'ona viloyat filiali zimmasiga katta mas'uliyat yuklaydi.

Mazkur moliya muassasasi tashkil etilgandan beri odamlarning farovonligini oshirishga katta imkoniyatlar yaratildi. Bank filiali orqali ko'rsatilayotgan xizmat turlari yildan yilga kengayib bormoqda - yangi bank mahsulotlarini joriy etish, ularning sifatini yaxshilash borasida aniq maqsadli ishlar qilinishi bilan birga yurtimizning eng ishonchli banklaridan biri sifatida nafaqat respublikamizda, balki butun dunyoda tan olinayotganligi quvonarli holdir.

«Asaka» bank Farg'ona viloyat filiali mijozlarga barcha turdagi bank xizmatlarini ko'rsatib kelmoqda. Aholidan va yuridik shaxslardan jalb etilgan mablag'larni iqtisodiyotning real sektoriga samarali ravishda yo'naltirib, bu mablag'larni omonatchilar, mijozlar va aksiyadorlarning manfaatlariga mos ravishda ko'paytirib bormoqda.

Bank filiali kredit portfeli hajmi 2016 yil 1 aprel holatiga 208,5 mlrd.so'mdan oshdi. Kredit qo'yilmalarining asosiy qismini uzoq muddatli kreditlar tashkil etadi.

Bank filiali jamoasi iqtisodiyotning barcha tarmoqlarini yanada rivojlantirish bilan bir qatorda kichik biznes va xususiy tadbirkorlikni qo'llab-quvvatlashga alohida e'tibor qaratmoqda.

Joriy yil birinchi choragi mobaynida bank filiali tomonidan kichik biznes va xususiy tadbirkorlikni rivojlantirishga jami 16,5 mlrd.so'mdan ziyod miqdorda kreditlar ajratildi.

Bank filiali tomonidan tadbirkor ayollar tomonidan taklif etilgan loyihalarni moliyalashtirish, ayollar tadbirkorligini rivojlantirish orqali ularning respublikamiz iqtisodiy va ijtimoiy sohalaridagi o'rinlarini yanada mustahkamlash hamda ularning kelgusidagi rivojlanish jarayonlariga o'z hissasini qo'shish maqsadida imtiyozli shartlarda qariyb 2,0 mlrd. so'm miqdorida kreditlar ajratildi. Ajratilgan kreditlarning asosiy qismi sanoat mahsulotlari ishlab chiqarish va xizmatlar ko'rsatish tarmoqlarini rivojlantirishga yo'naltirildi. Bu orqali yangi ish o'rinlari tashkil etilib, xotin-qizlarni, ayniqsa yoshlarni, kasb-hunar kollejlari bitiruvchilarini ish bilan ta'minlash masalalari hal etilganligi, ularning mehnat va turmush sharoitlarini yaxshilanganligi alohida tahsinga sazovor.

Bugungi kunda kasb-hunar kollejlari bitiruvchilarini tadbirkorlik faoliyatiga jalb qilish, ularni ish bilan ta'minlash muhim ahamiyat kasb etmoqda. Davlatimiz

Rahbari va Hukumatimiz tomonidan tadbirkorlikni rivojlantirish uchun yaratilgan imtiyozlardan samarali foydalanish uchun barcha imkoniyatlar mavjud. «Asaka» bank Farg'ona viloyat filiali mutaxassislari, kasb-hunar kollejlari bitiruvchilarini ish bilan ta'minlash maqsadida tashkil etilgan turli anjumanlar va tadbirlarda faol ishtirok etmoqdalar, yosh tadbirkorlarga imtiyozli kredit olish huquqini beruvchi sertifikatlar topshirilmoqda.

Tadbirkorlik subyektlarining moliyaviy va moddiy-texnikaviy salohiyati tubdan mustahkamlanmoqda. «Muhammaddiyor fayz kelajagi» oilaviy korxonasi bank bilan moliyaviy sohalardagi hamkorligi buni yaqqol isbotlaydi. Chorvachilik xo'jaligi bankning kredit sarmoyasi tufayli qaddini tiklabgina qolmasdan bosqichma-bosqich rivojlanishga ham muvassar bo'layapti. Bankdan olingan kredit mablag'i evaziga yaqinda bu erda 7 nafar yangi ish o'rinlari yaratildi. Eng muhimi, yetishtirilgan sut va go'sht mahsulotlari bozorda bu xil mahsulotlar narxining pasayishi, sifat ko'rsatkichlarining esa ortishiga olib kelayapti.

Bank filiali tomonidan 2016 yilda kichik biznes va xususiy tadbirkorlikni rivojlantirishga jami 56,0 mlrd.so'm miqdorida kreditlar ajratilishi rejalashtirilgan.

Xulosa qilib aytganda, «Asaka» bank Farg'ona viloyat filiali tomonidan kichik biznes va xususiy tadbirkorlik subyektlariga har tomonlama qulayliklar yaratish siyosati muhim ustuvor vazifalardan sanaladi. Bank filiali jamoasi mazkur sohaning rivoji iqtisodiy muvaffaqiyatlar uchun asosiy omillardan biri ekanini yaxshi anglagan holda o'z faoliyatlarini yo'lga qo'yganlar. Shuning uchun o'zlarining istiqboldagi taraqqiyotini belgilab olishda masalaning ana shu tomonini nazardan qochirmaslikka intilayotganlarini ko'rish mumkin. Natijada respublika iqtisodiyotining har tomonlama o'sishi uchun mavjud qulay shart-sharoitlar zahirida faoliyatning samaradorligiga erishilmoqda.

\*\*\*

**Larisa Nosova,**

**«Feyxan-Teks» ma'suliyati cheklangan jamiyati rahbari:**

Mamlakatimiz iqtisodiyotining rivojlanishida kichik biznes va xususiy tadbirkorlik subyektlarining ulushi yildan yilga ortib bormoqda. Xususan, davlatimiz rahbarining 2015 yil 15 maydagi "Xususiy mulk, kichik biznes va xususiy tadbirkorlikni ishonchli himoya qilishni ta'minlash, ularni jadal rivojlantirish yo'lidagi to'siqlarni bartaraf etish chora-tadbirlari to'g'risida"gi Farmonining qabul qilinishi ayni sohada izchil amalga oshirilayotgan islohotlarni yana bir pog'ona yuqoriga ko'tardi. Buning natijasida ishbilarmonlik yo'lini tanlagan yoshlar safi ham kengaymoqda.

«Asaka» bank jamoasining kichik biznes va xususiy tadbirkorlikni faol qo'llab-quvvatlashlari biz uchun ayni muddao bo'lmoqda. Bank sarmoyalari tadbirkorlik subyektlari faoliyati rivojiga katta madad bo'lmoqda.

Bugun mamlakatimizda korxonalar ochib, mahsulot ishlab chiqarishni yoki xizmatlar ko'rsatishni tashkil qilayotgan tadbirkorlarimiz safi kundan – kunga kengayib bormoqda. Buning sababi esa mamlakatimizda ishbilarmonlik harakatiga

davlatimiz rahbari va hukumati tomonidan barcha qulayliklar yaratib berilayotganida deb bilaman.

Tikuvchilik mahsulotlari ishlab chiqarishga ixtisoslashtirilgan korxonamizning tashkil etilishiga ham ana shu e'tibor va rag'bat turtki bo'ldi.

Ishlab chiqarishni kengaytirish, yangi zamonaviy uskunalar bilan jihozlash maqsadida kredit olish uchun «Asaka» bankiga murojaat etdik. Bank xodimlari bizning talabimizni qisqa muddatda ko'rib chiqib, kredit ajratish bo'yicha ijobiy qaror qabul qildilar. Bank krediti hisobiga xorijda ishlab chiqarilgan zamonaviy uskunalarini keltirib o'rnatdik. Hozirda jahon standartlari talabiga javob beradigan yuqori sifatli tikuvchilik mahsulotlari ishlab chiqarmoqdami. Bank kreditlari tufayli qo'shimcha 30 nafar yangi ish o'rinlari yaratildi. Joriy yilda yuqori sifatli mahsulotlar ishlab chiqarib, xorijga eksport kilishni boshladik.

Bizning bu erishgan muvaffaqiyatlarimizda «Asaka» bankning ko'magi beqiyosdir. Biz «Asaka» bank jamoasiga o'z minnatdorchiligimizni bildirib, ularning kelgusi ishlarida muvaffaqiyatlar tilaymiz.

### **Yosh tadbirkor Gavxarazimxon Azimova:**

Rishton pedagogika va iqtisodiyot kollejini tamomlaganimdan so'ng yurtimizda tadbirkorlikni rivojlantirishga yaratilgan qulay shart-sharoitlardan ruhlanib, men ham tadbirkor bo'lay deb, yaxshi niyatlar bilan xalqimiz dasturxonini oziq-ovqat mahsulotlari bilan to'ldirishga astoydil bel bog'ladim va ota-onam bilan maslahatlashib, savdo ishlarini rivojlantirishga ahd qildim. Shu maqsadda «Asaka» bankiga murojaat qildim. Bank ma'muriyati tez fursatda zarur bo'lgan kredit mablag'ini ajratib berdi. Ushbu kredit mablag'i hisobiga savdo do'konini zamon talablariga mos ravishda ta'mirladik, jihozladik, rastalarni sifatli va xaridorgir mahsulotlar bilan to'ldirdik. Xaridorlar uchun barcha zarur bo'lgan sharoitlarni yaratdik. Shahrimiz aholisi va mehmonlari bizning do'kondagi mahsulotlarni suyib xarid qilmoqdalar. Mijozlarimiz soni kundan-kunga ko'payib, shunga yarasha daromadimiz ham oshib bormoqda. Daromadimiz ko'payib, oilamizga ham baraka kirdi. Eng muhimi, ikki nafar kollej bitiruvchisi bo'lmish dugonalarim ham ish bilan ta'minlandi.

Shunday go'zal O'zbekistonda tug'ilganimdan, tadbirkorlik qilib, o'z orzu-umidlarimga yetkanimdan bahtiyorman.

Bizning oilaviy biznesimizni rivojlanishi uchun moliyaviy madad bergan «Asaka» bank jamoasiga o'z minnatdorchiligimizni bildiramiz.

### **Abduraxim Xojimatov,**

#### **«Abduraxim Xojimatov zamini» dehqon xo'jaligi rahbari:**

Men ham yurtimizda tadbirkorlikni rivojlantirishga yaratilgan qulay shart-sharoitlardan ruhlanib, yaxshi niyatlar bilan chorvachilikni rivojlantirishga ahd qildim. Shu maqsadda «Asaka» bankiga murojaat qildim. Bank kredit mablag'i hisobiga zotdor qoramollar oldim. Hozirda viloyatimiz aholisini sifatli va arzon go'sht va sut mahsulotlari bilan ta'minlamoqdami. Bank krediti natijasida 6 nafar yangi ish o'rni yaratilib, qishlog'imiz yoshlari ish bilan ta'minlandi.

Kelgusida sutni qayta ishlash liniyalarini olib kelib o'rnatish va xalqimiz dasturxonini yanada farovon va to'kin qilishga o'z hissamni qo'shishni niyat qilib turibman. Buning natijasida ish o'rinlari soni 28 nafarga ko'payib, qishloq yoshlarini ish bilan ta'minlash imkoniyati yaratiladi. Albatta, bu borada «Asaka» bank bizning yaqin va ishonchli hamkorimiz, doimiy madadkorimiz bo'lib qoladi.

Men «Asaka» bankning mijozi ekanligimdan, qolaversa hozirgi kunda yurtimiz aholisi dasturxonini sifatli mahsulotlar bilan ta'minlash bo'yicha mamlakatimizda olib borilayotgan ulkan ishlarda o'zimning kamtarona mehnatim bilan ishtirok etayotganligimdan g'oyat mamnunman.